



Pou Piblikasyon Imedya: 07/04/2023

GOUVÈNÈ KATHY HOCHUL

## GOUVÈNÈ HOCHUL AKÒDE KLEMANS POU SÈT MOUN

*Akonpli angajman pou akòde klemans sou yon baz kontinyèl*

*Baze sou efò Gouvènè a pou refòme pwosesis klemans lan, sa gen ladan konvoke yon Komite Konsilitatif ki gen ekspè san patipri, dedye lòt resous ekip ak ogmante komunikasyon avèk aplikan yo*

Gouvènè Kathy Hochul te akòde jodi a klemans pou sèt moun. Aksyon sa a, ki akòde senk padon ak de atenyasyon pèn, rekonèt moun ki te demonstre remò, ki pwouve reyabilitasyon, epi ki montre yon angajman pou amelyore tèt yo ak kominote pa yo. Aksyon Gouvènè a gen ladan yon rediksyon nan santans yon moun ki te kondane okòmansman dapre Lwa sou Dwòg Rockefeller epi ki te sèvi youn nan santans ki pi long yo pou yon kondanasyon ki pa vyolan ki gen rapò ak dwòg nan Eta a. Aksyon jodi a ranpli ak souliye angajman Gouvènè a pou l bay klemans sou yon baz kontinyèl, olye yon sèl fwa nan fen ane a.

Sibvansyon sa yo fè swivi a [angajman](#) Gouvènè Hochul pou dedye lòt resous ekip pou revize aplikasyon yo, sa k ap ede asire pwosesis kontinyèl sa a kapab fèt nan yon fason siyifikatif epi ke chak aplikasyon kapab resevwa atansyon total ak alè yo merite.

"Antanke Gouvènè New York, se responsabilite mwen pou m egzèse pouwva klemans pou montre ke chanjman ak redanmsyon posib", **Gouvènè Hochul te deklare.** "Mwen fyè dèske nou te dedye resous ki nesesè yo pou kòmanse akòde klemans sou yon baz kontinyèl, epi mwen angaje pou kontinye efò nou pou refòme pwosesis la pou pi byen sèvi Nouyòkè yo".

Biwo Gouvènè a te franchi yon kantite etap pou amelyore transparans ak komunikasyon nan pwosesis klemans lan. Biwo Klemans Egzekitif (Executive Clemency Bureau) la te aplike yon nouvo politik pou voye lèt regilye bay moun ki gen aplikasyon pou klemans, enfòme yo sou sitiyasyon ka yo, epi bay enfòmasyon sou fason pou soumett enfòmasyon siplemantè pou sipòte aplikasyon pa yo. Biwo Gouvènè a te lanse tou yon nouvo sant wèb sou entènèt pou ede aplikan klemans yo avèk pwosesis aplikasyon an; sant sa a gen ladann nouvo modèl fòmilè aplikasyon pou klemans pou alafwa padon ak komunikasyon pou bay kandida potansyèl yo konsèy amelyore sou ki enfòmasyon pou mete lè y ap aplike.

Gouvènè a te konvoke tou yon Komite Konsiltatif pou Klemans ki gen ladann ekspè san patipri pou ede konseye Gouvènè a sou aplikasyon klemans yo. Apre rekòmandasyon Komite Konsiltatif Klemans lan, Gouvènè Hochul ap chanje santans de moun, yo pral refere youn ladan yo bay konsèy libète pwovizwa a epi akòde padon a senk moun ki gen lyen solid ak Etazini ki ap fè fas a konsekans imigrasyon akoz kondanasyon ki gen omwen yon deseni.

### **Padon yo**

**Georgia Weir-Demercado**, 49 ane, te viv yon lavi san krim pandan 27 ane epi te gen yon Diplòm Asosye (De ane), Diplòm Lisans ak yon lisans imobilye. Li te vini Etazini nan laj sis ane epi te viv Etazini pou plis pase 40 ane. Li marye ak yon sitwayen Ameriken epi li gen twa pitit ki se sitwayen Ameriken. Yo te kondane Madam Weir-Demercado pou Tantativ Lavant Kriminèl yon Sibstans Kontwole nan Twazyèm Degre an 1995. Yon padon pral ede I pouswiv natiralizasyon pou I vin yon sitwayen Ameriken.

**Asdrubal Gonzalez**, 64 ane, te viv yon lavi san krim pandan 30 ane. Mesye Gonzalez te antre Ozetazini kòm yon rezidan pèmanan legal an 1971 nan laj 13 ane, sa gen plis pase 50 ane. Li gen yon madanm ak de pitit fi ki tout se sitwayen Ameriken, li te travay nan yon konpayi jeni pou prèske twa deseni, epi li se yon manm aktif nan kominate legliz lokal li a. Yo te kondane li pou Tantativ Lavant Kriminèl Sibstans Kontwole yo nan Twazyèm Degre an 1993 ak Tantativ Posesyon Kriminèl Sibstans Kontwole yo nan Twazyèm Degre an 1991. Yon padon pral ede I pouswiv natiralizasyon pou I vin yon sitwayen Ameriken.

**Ashan Grant**, 46 ane, te viv yon lavi san krim pandan 19 ane. Mesye Grant, yon sitwayen Kanadyen ak rezidan, sèvi kòm yon konseye nan kominate li epi jere yon ti biznis. Yo te kondane li pou Posesyon Kriminèl Mariwana nan Katriyèm Degre an 2003. Yon padon pral ede Mesye Grant vizite pitit gason li ak lòt manm fanmi k ap viv Etazini.

**Pawel Sztremer**, 46 ane, te viv yon lavi san krim pandan 23 ane. Mesye Sztremer te deplase ale Etazini lè li te gen 14 ane epi li te viv isit la pandan plis pase 30 ane. Kounye a li posede epi jere yon biznis jaden ak retire nèj. Mesye Sztremer te kondane pou Asèlman an 1996, Ti Vòl (Petit Larceny) an 1998, Mechanste Kriminèl nan Katriyèm Degre an 1998 ak Tantativ Vòl Dezyèm Degre an 1999. Yon padon pral ede retire menas depòtasyon ak ede li pouswiv natiralizasyon pou I vin yon sitwayen Ameriken.

**Gerson Ramirez**, 36 ane, te viv yon lavi san krim pandan 13 ane. Depi dènye kondanasyon li a, li te jwenn yon diplòm invèsite epi li te kenbe travay nan yon restoran pandan plis pase 10 ane, kounye a li ap sèvi kòm manadjè a. Yo te mennen Mesye Ramirez Ozetazini lè li te gen apeprè 18 mwa epi li te viv Ozetazini pou prèske tout lavi li. Mesye Ramirez te kondane pou Operasyon Agrave San Lisans yon Veyikil a Motè ak DWI Agrave an 2009, ak Kondwi San Senti Sekirite, Swiv Twò Pre, Kondwi Avèk Kapasite Afebli Akòz Alkòl, ak Kondwi San Lisans an 2004. Yon padon pral ede Mesye

Ramirez evite menas depòtasyon ak rete Ozetazini avèk madanm li, ptit piti li ak lòt manm fanmi li ki se sitwayen Ameriken.

### **Atenyasyon Pèn yo**

**Bryon Russ**, 47 ane, te kondane pou kat akizasyon Vòl nan Premye Degre, de akizasyon Vòl nan Premye Degre, Vòl nan Dezyèm Degre, Vòl nan Twazyèm Degre, Atak nan Premye Degre, Posesyon Kriminèl yon Zam nan Dezyèm Degre a, ak Konplo nan Katriyèm Degre an 2001. Mesye Russ te kondane a 40 ane nan prizon, kote li te sèvi prèske 23 ane. Pandan li nan prizon, Mesye Russ te enskri epi kontinye pran kou pou lisans li, li te travay kòm yon asistan pwofesè pou lòt moun nan prizon k ap chèche GED yo, li te vin tounen yon chèchè legal akonpli, epi li te resevwa yon sètifikasyon paralegal apre li te fini yon kou uit mwa an 2022. Mesye Russ te angaje tou nan yon pakèt travay konsèy ak volontè, tankou yon fasilitatè nan pwogram kont vyalans ak ranplasman agresyon ak yon patisipan nan Reyabilitasyon Atravè Atizay (Rehabilitation Through the Arts). Avèk madanm li, Mesye Russ te kòmanse tou yon inisyativ ki rasanble don pou achte valiz ak founiti lekòl pou timoun ki nan bezwen; kounye a kòm yon evènman anyèl, efò sa a te mennen nan plis pase 200 valiz ak founiti yo te bay timoun nan Eta New York. Lè yo lage li, Misye Russ pral viv ak madanm li.

**Joaquin Winfield**, 58 ane, yo te kondane li pou Posesyon Kriminèl yon Sibstans Kontwole nan Premye Degre, de akizasyon Posesyon Kriminèl yon Sibstans Kontwole nan Twazyèm Degre, Lavant Kriminèl yon Sibstans Kontwole nan Twazyèm Degre, ak Itilizasyon Akseswa Dwòg nan Dezyèm Degre ak Posesyon Kriminèl yon Zam nan Katriyèm Degre an 1997. Mesye Winfield te kondane pou 37 ane edmi nan prizon pou lavi dapre Lwa sou Dwòg Rockefeller ki te an plas nan epòk la epi li te sèvi plis pase 26 ane. Kounye a, santans li a se youn nan pi long nan Eta a apre yon kondanasyon pou enfraksyon san vyalans ki gen rapò ak dwòg. Dapre santans orijinal li a, Mesye Winfield p ap wè Konsèy Libète Pwovizwa a jiska 2034. Yo chanje santans li a pou pèmèt li gen yon opòtinite pi bonè pou l parèt devan Konsèy Libète Pwovizwa a pou ke Konsèy la ka pran yon detèminasyon pou konnen si li apwopriye pou libète pwovizwa a.

###

Lòt nouvèl disponib sou sit [www.governor.ny.gov](http://www.governor.ny.gov)  
Eta New York | Chanm Egzekitif | [press.office@exec.ny.gov](mailto:press.office@exec.ny.gov) | 518.474.8418